

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI RABU, 16 MAC 2011, PUKUL 10.00 PAGI

Bil. 7

PERTANYAAN-PERTANYAAN BAGI JAWAB LISAN

1. PR-000-L41972
Dato' Noraini binti Ahmad [Parit Sulong] minta **MENTERI PELAJARAN** menyatakan apakah langkah-langkah yang telah diambil Kementerian untuk menjamin buku-buku teks di sekolah-sekolah tidak mengandungi kesalahan ketara seperti yang terdapat dalam buku teks KSSR English Year 1 Sekolah Kebangsaan.
2. PR-000-L42173
Dato' Haji Mahfuz bin Omar [Pokok Sena] minta **MENTERI KERJA RAYA** menyatakan hasil kemajuan pertandingan reka bentuk hospital Kerajaan yang dilaksanakan oleh JKR. Apakah tindakan dan pengajaran yang diambil oleh Kerajaan (JKR) selepas pertandingan ini dalam memastikan kos sebuah hospital Kerajaan adalah ekonomi. Nyatakan berapakah jumlah kos perbelanjaan pertandingan tersebut.
3. PR-000-L42439
Dato' Sri Azalina binti Dato' Othman Said [Pengerang] minta **PERDANA MENTERI** menyatakan apakah terdapat sebarang usaha atau cadangan :-
 - (a) untuk mewujudkan bandar-bandar baru di dalam penempatan Felda ; dan
 - (b) bidang kuasa antara Kerajaan dan pengurusan Felda berhubung penyelesaian isu pembangunan dan kemudahan di dalam kawasan penempatan seperti naik taraf jalan, longkang, parit dan saliran, naik taraf sekolah, lampu-lampu jalan dan sebagainya.
4. PR-000-L41250
Puan Fong Po Kuan [Batu Gajah] minta **PERDANA MENTERI** menyatakan perkembangan pengembalian hak mengundi warga Malaysia di luar negara seperti yang dikehendaki oleh Malaysian Overseas Right To Vote. Mengapakah proses tersebut tidak dipercepatkan untuk membolehkan mereka mengundi di Pilihan Raya Umum ke-13 ini.

5. PR-000-L41683
Datuk Haji Baharum Bin Mohamed [Sekijang] minta **MENTERI BELIA DAN SUKAN** menyatakan apakah bentuk ganjaran dan jumlah yang diterima oleh jurulatih dan pemain bola sepak kebangsaan apabila menjuarai Piala Suzuki AFF 2010.
6. PR-000-L42056
Tuan Saifuddin Nasution bin Ismail [Machang] minta **MENTERI PERUSAHAAN PERLADANGAN DAN KOMODITI** menyatakan mengenai rancangan Kerajaan terhadap pekebun kecil getah dan kelapa sawit supaya mereka tidak bergantung kepada tenaga buruh asing.
7. PR-000-L41382
Tuan Haji Matulidi bin Haji Jusoh [Dungun] minta **PERDANA MENTERI** menyatakan jumlah pelajar Tingkatan Empat yang mendaftar dalam Program Pendidikan Menengah Tinggi PERMATA Pintar Universiti Kebangsaan Malaysia (UKM) dan nyatakan keistimewaan serta matlamat pengajian ini.
8. PR-000-L42677
Tuan Wee Choo Keong [Wangsa Maju] minta **MENTERI DALAM NEGERI** menyatakan bahawa memandangkan peningkatan ketara kes-kes jenayah di negara ini, apakah tindakan yang telah diambil oleh Kementerian untuk meningkatkan kadar nisbah anggota polis/rakyat kepada seorang pegawai polis dengan 400 rakyat dan apakah tindakan-tindakan yang telah diambil oleh pasukan polis dalam mengurangkan kadar jenayah khususnya di kawasan Wangsa Maju.
9. PR-000-L42249
Datuk Raime Bin Unggi [Tenom] minta **MENTERI KESIHATAN** menyatakan apakah kajian atau tindakan pihak Kerajaan untuk mengenal pasti terhadap tahap keracunan plumbum di kalangan kanak-kanak atau murid-murid sekolah di sekolah-sekolah yang dibekalkan dengan sistem solar hybrid yang menggunakan bateri plumbum khususnya di negeri Sabah.
10. PR-000-L41513
Dr. Che Rosli bin Che Mat [Hulu Langat] minta **MENTERI PEMBANGUNAN WANITA, KELUARGA DAN MASYARAKAT** menyatakan kejayaan yang dicapai selama ini oleh Institut Sosial Malaysia dalam melatih remaja-remaja dalam negara.
11. PR-000-L43102
Datuk Haji Yusoff bin Haji Mahal [Labuan] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan apakah langkah-langkah yang diambil oleh Kementerian untuk menyelesaikan masalah kenaikan harga barang khususnya di Labuan berbanding di Sabah, Sarawak dan Semenanjung Malaysia.

12. PR-000-L42514

Tuan Tony Pua Kiam Wee [Petaling Jaya Utara] minta **MENTERI KEWANGAN** menyatakan :-

- (a) sama ada kontrak pembinaan Jambatan Kedua Pulau Pinang ditawarkan kepada syarikat China Harbour Engineering Company (CHEC) atas persefahaman bahawa kerajaan China akan memberikan sokongan dari segi *soft loan*; dan
- (b) impak kos kepada Kerajaan akibat perjanjian pinjaman yang masih belum dipersetujui.

13. PR-000-L41605

Datuk Wira Ahmad bin Haji Hamzah [Jasin] minta **MENTERI PERDAGANGAN ANTARABANGSA DAN INDUSTRI** menyatakan langkah-langkah Kerajaan untuk melonjakkan kembali prestasi eksport negara pada tahun ini yang dijangka merosot ekoran daripada impak pertumbuhan ekonomi dunia yang lebih rendah berbanding tahun 2010.

14. PR-000-L42672

Tuan Er Teck Hwa [Bakri] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan perancangan untuk memberikan lesen pemasangan kelengkapan pengisian gas sebagai bahan api gantian kepada petroleum di semua stesen minyak selain daripada Petronas di seluruh negara yang bertujuan untuk memberikan pilihan tambahan kepada pengguna-pengguna kenderaan demi meringankan beban kos bahan api.

15. PR-000-L42317

Dato' Sri Ir. Ong Tee Keat [Pandan] minta **MENTERI WILAYAH PERSEKUTUAN DAN KESEJAHTERAAN BANDAR** menyatakan setakat ini berapakah jumlah peruntukan yang diluluskan untuk membaik-pulih dan menaik taraf rumah-rumah pangsa yang uzur dan usang. Apakah kriteria kelulusannya.

16. PR-000-L42245

Dr. Hiew King Cheu [Kota Kinabalu] minta **MENTERI PELANCONGAN** menyatakan sama ada peruntukan yang boleh digunakan untuk pemasangan dan pemberian lampu-lampu jalan dan lampu-lampu taman di Pantai Tanjung Aru dan Prince Philip Park di Kota Kinabalu yang merupakan satu tempat yang selalu dikunjungi oleh pelancong-pelancong. Jika tidak, bolehkah Kementerian menyediakan peruntukan supaya melaksanakan projek ini untuk tujuan mencantikkan pantai.

17. PR-000-L41877
Tuan Ding Kuong Hiing [Sarikei] minta **MENTERI PENERANGAN, KOMUNIKASI DAN KEBUDAYAAN** menyatakan :-
- (a) adakah Kementerian bercadang menyelesaikan masalah kecurian wayar-wayar telefon dan menggantikan balik wayar-wayar yang dicuri sedangkan ia memudahkan akses Internet dengan lebih stabil melalui kabel; dan
- (b) nyatakan juga langkah-langkah telah diambil oleh Kementerian mengatasi masalah ini daripada tahun 2008 hingga sekarang di Sarikei.
18. PR-000-L41714
Tuan Haji Ab Aziz bin Ab Kadir [Ketereh] minta **MENTERI PENERANGAN, KOMUNIKASI DAN KEBUDAYAAN** menyatakan jumlah liputan melalui stesen televisyen yang diberikan khusus kepada calon dan parti yang bertanding sepanjang tempoh kempen pada setiap pilihan raya kecil pada tahun 2008, 2009 dan 2010. Apakah dasar dan langkah Kerajaan dalam memastikan hak calon dan parti yang bertanding mendapat akses liputan yang adil dan seimbang.
19. PR-000-L43084
Tan Sri Dato' Seri Ong Ka Ting [Kulai] minta **MENTERI PERUMAHAN DAN KERAJAAN TEMPATAN** menyatakan bilakah projek JB Sentral 2 yang berlokasi di Senai akan dimulakan dan berapakah anggaran kos projek tersebut.
20. PR-000-L42754
Puan Hajah Zuraida binti Kamaruddin [Ampang] minta **MENTERI PEMBANGUNAN WANITA, KELUARGA DAN MASYARAKAT** menyatakan butiran terperinci perbelanjaan terkini RM24 juta yang telah diluluskan untuk menjayakan First Lady Summit pada tahun lalu.
21. PR-000-L42869
Dato' Paduka Abu Bakar Bin Taib [Langkawi] minta **MENTERI PERTANIAN DAN INDUSTRI ASAS TANI** menyatakan berapakah jumlah jeti LKIM yang dibina oleh Kementerian yang masih belum beroperasi di negeri Kedah.
22. PR-000-L42092
Tuan Tan Tee Beng [Nibong Tebal] minta **MENTERI PENERANGAN, KOMUNIKASI DAN KEBUDAYAAN** menyatakan sama ada syarikat TV satelit Astro masih dibenarkan untuk menapis sendiri filem-filem yang ditayang melalui salurannya memandangkan telah pernah terjadi di mana filem yang telah dilarang tayangan umum oleh Lembaga Penapis Filem (LPF) berjaya mendapat tayangan melalui Astro, sekali gus mensia-siakan tugas LPF.

23. PR-000-L41887

Datuk Seri Panglima Wilfred Mojilip Bumburing [Tuaran] minta **MENTERI KEWANGAN** menyatakan sama ada Kerajaan sedar bahawa lot-lot rumah di Taman Sri Vesta Melalin di Sulaman Tuaran telah disewakan kepada anggota tentera laut sedangkan perumahan tersebut sepatutnya diberi kepada orang tempatan yang memerlukan rumah.

24. PR-000-L42276

Tuan Chua Tian Chang [Batu] minta **MENTERI PERTAHANAN** menyatakan :-

- (a) adakah Kementerian telah membuat keputusan untuk memperoleh pesawat pejuang F/A-18E/F daripada Boeing dan berapakah anggaran jumlah nilai perolehan; dan
- (b) apakah elemen-elemen dalam program offset terutamanya melibatkan Measat Satellite System Sdn. Bhd.

25. PR-000-L41642

Datuk Alexander Nanta Linggi [Kapit] minta **PERDANA MENTERI** menyatakan sejauh manakah pelaksanaan projek-projek yang telah tersenarai dalam rancangan Economic Transformation Plan (ETP) dan Rancangan Malaysia Kesepuluh (RMK-10) buat masa ini. Nyatakan kalau ada kekangan atau masalah yang ada dan yang perlu ditangani dalam pelaksanaan kesemua projek tersebut.

26. PR-000-L42927

Dato' Ibrahim bin Ali [Pasir Mas] minta **PERDANA MENTERI** menyatakan apakah menjadi dasar Kerajaan di bawah MBE, matlamat pencapaian ekuiti 30% tercapai pada tahun 2020 apabila Malaysia diisyiharkan sebagai negara maju. Ianya adalah lanjutan kepada matlamat DEB yang tidak mencapai sasaran 30% sebelum ini.

27. PR-000-L41169

Datuk Siringan bin Gubat [Ranau] minta **MENTERI PELAJARAN** menyatakan sama ada Kementerian sedar bahawa terdapat lebih kurang 28 projek sekolah yang diluluskan oleh Kementerian merupakan projek-projek sakit kerana didapati sudah dilaksanakan tetapi belum disiapkan sepenuhnya. Contohnya bangunan tambahan di SK Tinanom. Jika sedar apakah tindakan yang telah dilakukan.

28. PR-000-L42011

Dato' Seri Zahrain Mohamed Hashim [Bayan Baru] minta **MENTERI KESIHATAN** menyatakan apakah langkah-langkah kawalan yang sedang dan akan diambil untuk mengawal penyakit-penyakit berjangkit seperti H1N1, memandangkan Malaysia adalah salah sebuah negara yang terdedah kepada penyakit-penyakit begini.

29. PR-000-L41302
Datuk Md.Sirat bin Abu [Bukit Katil] minta **PERDANA MENTERI** menyatakan sejauh manakah pencapaian dasar-dasar Kerajaan untuk mewujudkan rakyat berpendapatan tinggi di negara ini. Apakah kekangan yang dihadapi mengikut negeri-negeri di Malaysia.
30. PR-000-L42433
Tuan Lim Lip Eng [Segambut] minta **PERDANA MENTERI** menyatakan rasional perlantikan Tan Sri Mohamed Isa Samad sebagai pengurus Felda sedangkan kreadibiliti beliau telah tercemar kerana didapati bersalah menggunakan politik wang oleh parti beliau; adakah nama baik Felda akan terjejas dan mengakibatkan kebimbangan pasaran.
31. PR-000-L42998
Tuan Haji Ahmad Lai bin Bujang [Sibuti] minta **MENTERI SUMBER ASLI DAN ALAM SEKITAR** menyatakan adakah Malaysia mempunyai sumber bekalan air yang mencukupi dalam tempoh 50 tahun akan datang dan adakah pihak Kerajaan ada melakukan program pencarian sumber air di seluruh Malaysia.
32. PR-000-L43030
Dr. Lo' Lo' binti Mohamad Ghazali [Titiwangsa] minta **MENTERI KESIHATAN** menyatakan apakah rasionalnya dilaksanakan Klinik 1Malaysia serta berapa kos untuk membina klinik ini, berapa buah telah dilaksanakan, syarikat mana yang mendapat kontrak mengubahsuai dan menyediakan kelengkapan, berapa tenaga kerja dikerah di semua klinik ini dan adakah ia tidak menjelaskan klinik-klinik swasta berhampirannya.
33. PR-000-L43003
Tuan Haji Mohd Nor bin Othman [Hulu Terengganu] minta **MENTERI PENGAJIAN TINGGI** menyatakan tindakan Kerajaan bagi memastikan pembelajaran penuntut kita di Mesir tidak terjejas setelah tertangguh pengajian mereka akibat rusuhan yang berlaku.
34. PR-000-L42455
Dato' Ngeh Koo Ham [Beruas] minta **MENTERI DALAM NEGERI** menyatakan tindakan-tindakan yang akan diambil untuk menangani jenayah yang kian berleluasa di daerah Manjung hinggakan rakyat telah hilang keyakinan kepada pihak polis.
35. PR-000-L41348
Dato' Seri Ong Ka Chuan [Tanjong Malim] minta **MENTERI SUMBER ASLI DAN ALAM SEKITAR** menyatakan rancangan Kementerian untuk meneliti cadangan tebatan banjir yang lebih berkesan bagi mengatasi masalah banjir di Kampung Berop, Tanjong Malim iaitu dengan menyalur semula (*divert*) Sungai Berop dari Taman Bernam terus ke Sungai Bernam.

36. PR-000-L41561
Tuan Muhammad bin Husain [Pasir Puteh] minta **PERDANA MENTERI** menyatakan peruntukan yang disediakan untuk biasiswa kepada pelajar jurusan pengajian Islam (melalui JPA atau agensi lain) berbanding dengan jumlah keseluruhan biasiswa yang diberi kepada pelajar di peringkat Institut Pengajian Tinggi (IPT).
37. PR-000-L42527
Datin Linda Tsen Thau Lin [Batu Sapi] minta **MENTERI SUMBER ASLI DAN ALAM SEKITAR** menyatakan apakah cara untuk mengelak kejadian tanah runtuh dan banjir pada masa akan datang.
38. PR-000-L41727
Dato' Haji Wan Abd Rahim bin Wan Abdullah [Kota Bharu] minta **MENTERI PERTANIAN DAN INDUSTRI ASAS TANI** menyatakan bilakah projek pembinaan Pelabuhan Tok Bali, Kelantan akan dimulakan.
39. PR-000-L42915
Dato' Seri Tiong King Sing [Bintulu] minta **PERDANA MENTERI** menyatakan :-
(a) berapakah jumlah projek serta peruntukan yang telah diperuntukkan dalam pelaksanaan program di bawah Bidang Keberhasilan Utama Nasional (NKRA) terutama bagi negeri Sarawak; dan
(b) berapakah jumlah projek yang telah dirancang untuk kawasan Bintulu dan jumlah peruntukan yang disediakan.
40. PR-000-L42206
Datuk Wee Jeck Seng [Tanjung Piai] minta **MENTERI KEWANGAN** menyatakan langkah-langkah yang akan diambil oleh Kerajaan untuk mengurangkan penglibatan rakyat Malaysia dalam aktiviti perjudian di Singapura semenjak kewujudan kasino terutamanya penduduk-penduduk di Semenanjung Malaysia dan negeri Johor khasnya.
41. PR-000-L42457
Dato' Ngeh Koo Ham [Beruas] minta **MENTERI DALAM NEGERI** menyatakan berapakah kes telah disiasat dan didakwa mahkamah di mana ejen-ejen mengeluarkan atau membaharui permit pekerjaan palsu hingga ke pekerja-pekerja asing yang tidak tahu perbuatan mereka telah disabitkan kesalahan dan dijatuhkan hukuman di mahkamah untuk 5 tahun kebelakangan ini.
42. PR-000-L42881
Puan Nurul Izzah Binti Anwar [Lembah Pantai] minta **PERDANA MENTERI** menyatakan adakah Kerajaan bersetuju Pelan Reformasi Politik dijadikan tiang ke lima dalam agenda transformasi nasional menerusi pemansuhan serta merta pengisyiharan darurat.

43. PR-000-L42132

Tuan Mohd Nizar bin Zakaria [Parit] minta **MENTERI KEMAJUAN LUAR BANDAR DAN WILAYAH** menyatakan meneliti semula sistem pembelajaran tadika KEMAS yang dilihat kurang efektif dan tidak selaras mengikut perkembangan zaman. Penstrukturkan semula perlu dibuat agar lebih komprehensif supaya kanak-kanak lebih pintar bukan sahaja dari segi intelektual, fizikal, spiritual, sahsiah dan rohani, malah dari segi kebolehan untuk bertutur dalam banyak bahasa. Jika dibandingkan sekarang, tadika KEMAS jauh lebih ketinggalan dengan tadika swasta.

44. PR-000-L42571

Tuan Lim Kit Siang [Ipoh Timur] minta **PERDANA MENTERI** menyatakan jumlah fail dan siasatan yang telah dibuka oleh Suruhanjaya Pencegahan Rasuah Malaysia dan hasilnya berikutan dengan pendedahan oleh laman Sarawak Report mengenai rasuah dan salah guna kuasa oleh Ketua Menteri Sarawak, Tan Sri Taib Mahmud, dan lain personaliti Sarawak.

45. PR-000-L42604

Dato' Haji Ismail Bin Haji Mohamed Said [Kuala Krau] minta **MENTERI PERTANIAN DAN INDUSTRI ASAS TANI** menyatakan jumlah dana yang digunakan melalui skim bantuan kewangan dan program khusus untuk Skim Belia Tani dan Usahawan Tani khusus kepada belia FELDA bagi tempoh 2005 hingga 2010.

46. PR-000-L42937

Tuan Mohd Firdaus bin Jaafar [Jerai] minta **PERDANA MENTERI** menyatakan jumlah yang dibelanjakan bagi melaksanakan program-program Kerajaan di Dun Tenang sepanjang Januari 2011 dan apakah jumlah perbelanjaan itu terkandung dalam Bajet 2011 yang diluluskan pada sesi yang lalu.

47. PR-000-L42305

Tuan Liang Teck Meng [Simpang Renggam] minta **PERDANA MENTERI** menyatakan apakah sasaran-sasaran utama Jabatan Perpaduan Negara dan Integrasi Nasional (JPNIN) untuk tahun 2011. Apakah tahap perpaduan negara telah diperkuuhkan sepanjang tahun 2010 yang lalu. Jika belum, nyatakan langkah-langkah segera yang perlu diambil.

48. PR-000-L42630

Dato' Johari bin Abdul [Sungai Petani] minta **MENTERI TENAGA, TEKNOLOGI HIJAU DAN AIR** menyatakan :-

(a) berapakah nilai keseluruhan subsidi gas yang diberikan kepada semua Penjana Kuasa Bebas (IPP) dari tahun 2001 hingga Disember 2010; dan

(b) berapa nilai cukai yang dibayar oleh setiap IPP ini untuk tahun-tahun tersebut dan senaraikan mengikut syarikat.

49. PR-000-L41249
Datuk Dr. Marcus Mojigoh [Putatan] minta **MENTERI PENERANGAN, KOMUNIKASI DAN KEBUDAYAAN** menyatakan :-
- (a) sekatan dan tindakan yang diambil ke atas penulis (Bloggers) yang sengaja menyebarkan artikel berbaur hasutan dan fitnah; dan
- (b) adakah kegiatan mereka ini dibiarkan atas dasar kebebasan bersuara dan demokrasi. Sekiranya tidak, adakah pihak Kerajaan akan meminda satu akta bagi menangani masalah ini
50. PR-000-L43062
Puan Teresa Kok Suh Sim [Seputeh] minta **MENTERI DALAM NEGERI** menyatakan tujuan Kementerian memindahkan Balai Polis Brickfields ke Sri Petaling. Apakah pembangunan akan diadakan di tapak Balai Polis Brickfields selepas balai polis tersebut dipindahkan.
51. PR-000-L41202
Tuan William @ Nyallau Anak Badak [Lubok Antu] minta **MENTERI DALAM NEGERI** menyatakan sebab-sebab kelambatan untuk menyiapkan projek Ibu Pejabat Polis Daerah Lubok Antu yang jauh ketinggalan daripada jadual asal.
52. PR-000-L41261
Tuan Haji Che Uda bin Che Nik [Sik] minta **MENTERI DALAM NEGERI** menyatakan tentang berita di akhbar Kosmo (Khamis 30/12/2010) yang menyebut bahawa Ketua Pengarah Siasatan Jenayah Bukit Aman (Datuk Sri Bakri Mohd Zinin) mendedahkan bahawa kebanyakan kes Perdagangan Orang didalangi individu berpengaruh dan berstatus tinggi. Sejauh mana dakwaan ini benar dan apakah tindakan yang telah diambil setakat ini.
53. PR-000-L41277
Dato' Abdul Manan bin Ismail [Paya Besar] minta **MENTERI KESIHATAN** menyatakan sejauh manakah pemantauan terhadap kos perubatan di hospital-hospital swasta elit memandangkan pesakit sering dibebani dengan harga yang tinggi setelah rawatan dijalankan. Adakah Kementerian berhasrat untuk mewajibkan hospital-hospital swasta ini menyatakan harga kos rawatan sebelum pesakit menjalani rawatan di hospital lain.
54. PR-000-L41489
Tuan Khalid bin Abdul Samad [Shah Alam] minta **MENTERI DALAM NEGERI** menyatakan apakah perkembangan siasatan kes-kes Nurin, Sharlini dan kanak-kanak lain yang hilang sejak beberapa tahun kebelakangan ini. Adakah mereka dilihat sebagai kes-kes yang mempunyai hubungan satu sama lain atau sebaliknya.

55. PR-000-L42581
Dato' Seri Abdul Hadi bin Awang [Marang] minta **PERDANA MENTERI** menyatakan secara terperinci asas-asas penolakan penggunaan dakwat kekal (*indelible ink*) dalam pilihan raya. Sekiranya ia melanggar hak asasi warganegara sebagaimana yang diperuntukkan dalam Perlembagaan Persekutuan, bagaimana dengan pengamalan ISA yang juga bercanggah dengan hak asasi warganegara mendapat pembelaan mahkamah.
56. PR-000-L42012
Tuan Liew Chin Tong [Bukit Bendera] minta **PERDANA MENTERI** menyatakan kos sepenuh fasa pertama projek MRT dan sama ada fasa kedua dan ketiga akan dilaksanakan memandangkan Minconsult Sdn. Bhd., syarikat perundingan yang dilantik Kerajaan untuk menjalankan kajian kemungkinan (*feasibility study*) terhadap projek MRT telah mencadangkan pengurangan daripada tiga jaluran MRT kepada satu jaluran.
57. PR-000-L41331
Datuk Abd. Rahman bin Bakri [Sabak Bernam] minta **MENTERI PERUSAHAAN PERLADANGAN DAN KOMODITI** menyatakan apakah langkah Kerajaan bagi membantu peladang kecil-kecilan kelapa sawit seperti benih berkualiti, subsidi baja dan sebagainya bagi menaikkan taraf hidup penduduk desa.
58. PR-000-L42492
Tuan Zulkifli bin Noordin [Kulim Bandar Baru] minta **MENTERI KESIHATAN** menyatakan :-
- dengan kadar bunuh diri yang semakin meningkat pada purata 10/13 orang tiap 100,000 orang (425 orang bagi tempoh Januari-Ogos 2010), apakah langkah pencegahan dan perawatan yang diambil oleh Kerajaan; dan
 - adakah Kerajaan bercadang menuahkan lebih banyak pusat kaunselling, perlindungan dan rawatan dan memberi latihan khas bagi anggota PDRM untuk berdepan dan menangani masalah pesakit mental ini
59. PR-000-L41177
Dato' Sri Haji Zulhasnan bin Rafique [Setiawangsa] minta **MENTERI PERDAGANGAN ANTARABANGSA DAN INDUSTRI** menyatakan jumlah FDI (*Foreign Direct Investment*) yang dicatat oleh negara pada dua tahun kebelakangan ini.
60. PR-000-L42302
Tuan Amran bin Ab Ghani [Tanah Merah] minta **MENTERI DALAM NEGERI** menyatakan jumlah peruntukan perolehan kelengkapan Kementerian di bawah Rancangan Malaysia Ke-10 :-
- senaraikan dalam pecahan jenis, fungsi, bilangan dan peruntukan perolehan setiap jenis kelengkapan; dan

- (b) pecahan mengikut agensi-agensi.
61. PR-000-L42063
Tuan Khairy Jamaluddin [Rembau] minta **MENTERI SUMBER MANUSIA** menyatakan kadar pematuhan majikan yang mencarum kepada Pertubuhan Keselamatan Sosial dan Kumpulan Wang Simpanan Pekerja bagi pekerja mereka yang ditakrifkan sebagai pekerja separuh masa semenjak peraturan yang berkaitan diwartakan pada tahun lalu.
62. PR-000-L42782
Puan Hajah Fuziah binti Salleh [Kuantan] minta **PERDANA MENTERI** menyatakan :-
- (a) kenapa Malaysia tidak mempunyai satu Dasar Pengangkutan Awam Negara sedangkan negara-negara maju di seluruh dunia mempunyai satu Dasar Pengangkutan Awam sebagai rujukan; dan
 - (b) bilakah Malaysia akan menggubal satu Dasar Pengangkutan Awam Negara.
63. PR-000-L41429
Datuk Eric Enchin Majimbun [Sepanggar] minta **MENTERI DALAM NEGERI** menyatakan bilangan penduduk asing di Sabah yang diiktirafkan sebagai warga negara Malaysia sejak tahun 1970 sehingga 2010 dan jumlah mereka yang telah dilucutkan taraf kewarganegaraan.
64. PR-000-L42798
Dr. Siti Mariah Binti Mahmud [Kota Raja] minta **PERDANA MENTERI** menyatakan apakah garis panduan serta etika ahli politik atau ahli Parlimen yang juga memegang jawatan eksekutif dalam Kerajaan mengenai tugas rasmi Kerajaan daripada gerak kerja sebagai ahli politik.
65. PR-000-L42019
Datuk Billy Abit Joo [Hulu Rajang] minta **MENTERI SUMBER ASLI DAN ALAM SEKITAR** menyatakan apakah adanya usaha atau dana untuk menjalankan kajian saintifik biodiversiti akuatik menyeluruh ke atas sistem Tasik Empangan Bakun untuk mengetahui kesan penutupan empangan ini ke atas biodiversiti akuatik terutamanya ikan-ikan yang mempunyai nilai komersial tinggi seperti emparau dan mencadangkan langkah-langkah untuk memastikan kawasan Bakun dapat mengekalkan kekayaan sumber biodiversiti ikan untuk masa yang akan datang.

66. PR-000-L41912

Dr. Tan Seng Giaw [Kepong] minta **MENTERI PELAJARAN** menyatakan kos yang sebenarnya yang telah dibelanjakan untuk PPSMI dan cara dan tempoh yang diambil untuk membatalkan secara berperingkat-peringkat. Bagaimana sistem baru akan digunakan dengan berkesan bagi mengantikannya.

67. PR-000-L41750

Datuk Mohd Nasir bin Ibrahim Fikri [Kuala Nerus] minta **PERDANA MENTERI** menyatakan berapakah peruntukan yang telah dibelanjakan Kerajaan bagi membantu mangsa-mangsa banjir pada awal tahun ini dan apakah bentuk-bentuk bantuan yang diberikan kepada mereka ini.

68. PR-000-L41741

Puan Chong Eng [Bukit Mertajam] minta **MENTERI SUMBER ASLI DAN ALAM SEKITAR** menyatakan secara terperinci status terkini Rancangan Tebatan Banjir di kawasan Bukit Mertajam, termasuk yang melibatkan Sungai Rambai dan Sungai Juru.

69. PR-000-L42303

Tuan William Leong Jee Keen [Selayang] minta **MENTERI PERDAGANGAN ANTARABANGSA DAN INDUSTRI** menyatakan kesan positif dan negatif daripada FTA dengan Amerika Syarikat dan Kesatuan Eropah kepada Perniagaan Pengusaha Kecil dan Sederhana (SME) di Malaysia.

ATURAN URUSAN MESYUARAT DAN USUL-USUL

1. **Usul dibuat oleh Yang Berhormat Datuk Wira Ahmad bin Haji Hamzah [Jasin] dan masalah dicadangkan :-**

“ Bahawa suatu ucapan yang tidak seperti dipersembahkan kepada Seri Paduka Baginda Yang di-Pertuan Agong, demikian bunyinya:-

“ Ampun Tuanku,

Patik, Yang di-Pertua dan Ahli-ahli Dewan Rakyat Malaysia di dalam Persidangan Parlimen, memohon ampun mempersempahkan suatu ucapan yang ikhlas daripada Majlis Dewan Rakyat mengucapkan berbanyak-banyak syukur dan menjunjung kasih kerana Titah Ucapan Tuanku semasa membuka Penggal Keempat Parlimen Yang Kedua Belas.”

Menyambung semula Perbahasan atas masalah (15 Mac, 2011)

- | | | |
|----|--|-------------------------------|
| 2. | (D.R. 47/2010) Rang Undang-undang Tenaga Boleh Baharu 2010 | Bacaan Kali Yang Kedua |
| | [Kementerian Tenaga, Teknologi Hijau dan Air] | |
| 3. | (D.R. 43/2010) Rang Undang-undang Pihak Berkuasa Pembangunan Tenaga Lestari 2010 | “ |
| | [Kementerian Tenaga, Teknologi Hijau dan Air] | |
| 4. | (D.R. 34/2010) Rang Undang-undang Juruanalisis Makanan 2010 | “ |
| | [Kementerian Kesihatan] | |
| 5. | (D.R. 38/2010) Rang Undang-undang Perkapalan Saudagar (Pindaan dan Peluasan) 2010 | “ |
| | [Kementerian Pengangkutan] | |
| 6. | (D.R. 39/2010) Rang Undang-undang Perkapalan Saudagar (Pencemaran Minyak) (Pindaan) 2010 | “ |
| | [Kementerian Pengangkutan] | |
| 7. | (D.R. 42/2010) Rang Undang-undang Timbang Tara (Pindaan) 2010 | “ |
| | [Perdana Menteri] | |

8. (D.R. 44/2010) Rang Undang-undang Perkhidmatan Kuarantin dan Pemeriksaan Malaysia 2010 “
[Kementerian Pertanian dan Industri Asas Tani]
9. (D.R. 46/2010) Rang Undang-undang Hak Cipta (Pindaan) 2010 “
[Kementerian Perdagangan Dalam Negeri, Koperasi dan Kepenggunaan]
10. (D.R. 30/2010) Rang Undang-undang Penilai, Pentaksir Dan Ejen Harta Tanah (Pindaan) 2010 “
[Kementerian Kewangan]
11. (D.R. 48/2010) Rang Undang-undang Maktab Kerjasama (Perbadanan) (Pindaan) 2010 “
[Kementerian Perdagangan Dalam Negeri, Koperasi dan Kepenggunaan]
12. (D.R. 45/2010) Rang Undang-undang Perbadanan Pembangunan Kampong Bharu 2010 “
[Kementerian Wilayah Persekutuan dan Kesejahteraan Bandar]
13. (D.R. 2/2011) Rang Undang-undang Penggalakan Pelaburan (Pindaan) 2011 “
[Kementerian Perdagangan Antarabangsa dan Industri]
14. (D.R. 1/2011) Rang Undang-undang Veteran 2011 “
[Kementerian Pertahanan]
15. (D.R. 3/2011) Rang Undang-undang Institut Sukan Negara 2011 “
[Kementerian Belia dan Sukan]
16. (D.R. 5/2011) Rang Undang-undang Saraan Hakim (Pindaan) 2011 “
[Perdana Menteri]
17. (D.R. 4/2011) Rang Undang-undang (Larangan) Kumpulan Wang Kutu (Pindaan) 2011 “
[Kementerian Perdagangan Dalam Negeri, Koperasi dan Kepenggunaan]

18. (D.R. 37/2009) Rang Undang-undang Cukai Barang dan Perkhidmatan 2009 " "

[Kementerian Kewangan]

19. PR-000-U41523
Menteri Kewangan akan mencadangkan:-

"Bahawa Dewan ini mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan melalui Menteri Kewangan (Pemerbadanan) membuat pelaburan dengan memperoleh sejumlah 10,000,000 unit saham biasa Danalnfra Nasional Berhad, sebuah syarikat yang dimiliki sepenuhnya oleh Menteri Kewangan (Pemerbadanan) pada nilai RM1 bagi satu unit saham."

20. PR-000-U41312
Datuk Dr. Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa sejak akhir-akhir ini, negara kita sering dilanda bencana banjir kilat yang bukan sahaja mendatangkan kerugian kepada rakyat dan negara, malah terdapat juga kehilangan nyawa. Dan mengambil maklum bahawa sebahagian besar punca berlakunya bencana banjir kilat ini disebabkan oleh aktiviti manusia sendiri, di mana sungai-sungai, saliran-saliran dan kolam-kolam takungan air telah menjadi cetek disebabkan oleh mendapan lumpur dan pasir. Dan mengambil maklum juga bahawa mendapan lumpur dan pasir-pasir di tempat-tempat yang disebutkan tadi adalah disebabkan oleh aktiviti manusia sendiri, misalnya penimbasan tanah secara terbuka, pembangunan tidak terancang, pembukaan ladang-ladang dan lain-lain lagi aktiviti pembangunan. Dan mengambil maklum bahawa dalam banyak kes, laporan kesan alam sekitar (EIA) tidak disediakan langsung atau tidak dipatuhi. Maka dengan ini Dewan hendaklah mengambil ketetapan untuk meminta Kerajaan melalui Kementerian yang berkaitan untuk meminda mana-mana akta yang perlu bagi menguatkuasakan peraturan sedia ada atau peraturan baru bagi mengatasi masalah yang mendatangkan kerugian besar kepada negara dan rakyat ini."

(Menteri Sumber Asli dan Alam Sekitar)

21. PR-000-U41326
Datuk Dr. Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa terdapat banyak tanah-tanah perkuburan yang tidak terurus atau dikendalikan dengan baik, di mana ianya tidak disusun dengan rapi yang menyebabkan banyak kawasan kubur yang tidak dapat digunakan.

Dan mengambil maklum bahawa kos penyelenggaraan dan pemuliharaan tanah perkuburan kian meningkat, banyak tanah perkuburan yang terbiar dan menjadi seperti kawasan belukar. Dan mengambil maklum juga bahawa kebanyakan tanah perkuburan tidak dijaga ataupun diselia dengan baik kecuali sesetengah tanah perkuburan yang ditadbir oleh badan JKKK atau JK tanah perkuburan di kampung yang berkaitan. Dan mengambil maklum juga bahawa pada ketika ini belum ada mana-mana peraturan sedia ada yang memastikan satu-satu tanah perkuburan diselenggara atau dijaga dengan baik bagi memastikan ianya sentiasa bersih dan terpelihara. Maka dengan ini Dewan hendaklah mengambil ketetapan untuk meminta Kerajaan untuk menubuhkan satu lembaga atau yayasan yang akan bertanggungjawab untuk menyelenggara dan menyelia tanah-tanah perkuburan di seluruh negara agar ianya sentiasa terpelihara sama ada dari segi kesihatan, kebersihan mahupun keindahan."

(Menteri Sumber Asli dan Alam Sekitar)

22. PR-000-U41335

Datuk Dr. Marcus Mojigoh [Putatan] akan mencadangkan:-

" Bahawa Dewan ini mengambil maklum bahawa masalah tanah terbiar kian berleluasa. Dan mengambil maklum bahawa masalah bukan sahaja tidak mendatangkan sebarang hasil kepada pemilik tanah tersebut, malah ianya akan mendatangkan masalah lain seperti tempat pembiakan nyamuk aedes, ular, tikus dan sebagainya yang boleh mendatangkan berbagai jenis penyakit. Dan mengambil maklum juga bahawa perkara ini berlaku kerana beberapa sebab misalnya si pemilik tidak mampu untuk mengusahakan tanah tersebut , tanah tersebut terlalu kecil keluasannya, keluasan tanah yang tidak mencukupi bagi syarikat besar seperti FELCRA untuk mengusahakannya dan lain-lain sebab lagi. Maka dengan ini Dewan hendaklah mengambil ketetapan untuk meminta Kerajaan untuk menggubal satu akta atau peraturan di mana ianya akan dapat mendorong atau memastikan bahawa pemilik tanah-tanah terbiar tersebut untuk mengusahakannya. Di samping itu, menubuhkan satu koperasi bagi memajukan tanah-tanah tersebut dengan dana disumbangkan oleh syarikat swasta (di bawah Program CSR) dan Kerajaan."

(Menteri Sumber Asli dan Alam Sekitar)

23. PR-000-U41341

Datuk Dr. Marcus Mojigoh [Putatan] akan mencadangkan:-

" Bahawa Dewan ini mengambil maklum bahawa masalah kebanyakan benteng sungai-sungai di pekan-pekan utama dibina dengan konkrit. Dan mengambil maklum bahawa sungai-sungai konkrit ini bukan sahaja tidak mesra alam, tumbuhan yang lazimnya tumbuh di tebing-tebing sungai juga tidak dapat tumbuh. Dan mengambil maklum juga bahawa sungai-sungai konkrit ini juga tidak memberikan ruang bagi ikan-ikan di sungai untuk meletakkan telur mereka dan membiak, seperti mana lazimnya berlaku di sungai-sungai semulajadi. Maka dengan ini Dewan hendaklah mengambil ketetapan untuk meminta Kerajaan untuk menambah mana-mana peraturan sedia ada, supaya benteng-benteng sungai dibina dengan menggunakan cerucuk kayu keras ataupun "*interlocking bricks*" bagi membolehkan rerumput tumbuh dan juga ikan-ikan bertelur dan membiak (sebagaimana yang dibina di bandar Sibu, Sarawak). Kaedah ini adalah lebih mesra alam di samping mengekalkan flora dan fauna serta kehidupan marin sungai tersebut."

(Menteri Sumber Asli dan Alam Sekitar)

24. PR-000-U41523

Dr. Tan Seng Giaw [Kepong] akan mencadangkan:-

"Bahawa Dewan ini membahaskan faktor-faktor seperti inflasi, dasar yang tidak adil, keadaan hak asasi, kedudukan kekurangan kebebasan media yang menjelaskan kehidupan rakyat. Bahawa Dewan ini juga membincangkan apakah perbezaan di antara Malaysia berbanding dengan negara Mesir yang mengalami pemberontakan 'bunga melati' moden."

(Perdana Menteri)

25. PR-000-U41525

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan keperluan untuk mengkaji secara menyeluruh kekurangan kualiti sesetengah doktor di negara ini serta cara-cara untuk mengatasinya. Dewan ini juga membicarakan sebab-musabab Majlis Perubatan Malaysia tidak dapat mengawal dengan berkesan standard graduan perubatan lebih 3,500 orang setiap tahun."

(Menteri Kesihatan)

26. PR-000-U43074

Puan Teresa Kok Suh Sim [Seputeh] akan mencadangkan:-

"Bahawa Dewan ini mengambil keputusan untuk membenarkan siaran langsung sidang Dewan Rakyat melalui televisyen supaya rakyat boleh menonton ucapan para ahli berhormat dan proses Dewan Rakyat membuat keputusan terhadap dasar dan undang-undang."

(Menteri Penerangan, Komunikasi dan Kebudayaan)

27. PR-000-U43075

Puan Teresa Kok Suh Sim [Seputeh] akan mencadangkan:-

"Bahawa Dewan ini mengambil keputusan untuk memulihkan Pilihanraya Kerajaan Tempatan demi menjadikan perkhidmatan Kerajaan tempatan di negara kita lebih berkesan di samping memulangkan hak kepada rakyat untuk memilih Datuk Bandar dan ahli Majlis Kerajaan Tempatan."

(Menteri Perumahan dan Kerajaan Tempatan)

28. PR-000-U43076

Puan Teresa Kok Suh Sim [Seputeh] akan mencadangkan:-

"Bahawa Dewan ini mengambil keputusan untuk mendesak Kerajaan untuk melaksanakan kempen kitar semula dan kempen pengurangan penggunaan plastik dengan lebih gigih demi memelihara kebersihan alam sekitar."

(Menteri Perumahan dan Kerajaan Tempatan)

29. PR-000-U43077

Puan Teresa Kok Suh Sim [Seputeh] akan mencadangkan:-

"Bahawa Dewan ini mengambil keputusan untuk mengembalikan Akta Perkhidmatan Parlimen yang telah dimansuhkan pada tahun 1993 sebagai langkah untuk menjadikan Parlimen Malaysia sebagai Parlimen Dunia Pertama."

(Perdana Menteri)

30. PR-000-U43078

Puan Teresa Kok Suh Sim [Seputeh] akan mencadangkan:-

"Bahawa Dewan ini menyokong cadangan Suruhanjaya DiRaja Pembaikan Perjalanan dan Pengurusan PDRM dan YAB Perdana Menteri untuk menubuhkan Suruhanjaya Bebas dan Salah Laku Polis (IPCMC)."

(Menteri Dalam Negeri)

31. PR-000-U41480

Datuk Eric Enchin Majimbun [Sepanggar] akan mencadangkan:-

"Bahawa Dewan Yang Mulia ini menetapkan dan membincangkan mengenai perjanjian di antara pihak Petronas dengan Kerajaan negeri Sabah dan Persekutuan berkaitan cari gali minyak yang bukan sahaja mengandungi minyak mentah tetapi juga terdapat bahan-bahan lain seperti gas agar pihak-pihak yang berkenaan dapat menentukan dasar dan cara untuk meneliti dan mengkaji semula hasil galian tersebut demi untuk kebaikan bersama".

(Perdana Menteri)

32. PR-000-U41484

Datuk Eric Enchin Majimbun [Sepanggar] akan mencadangkan:-

"Bahawa Dewan Yang Mulia ini menetapkan dan meluluskan supaya kakitangan Kerajaan yang ditugaskan oleh SPR semasa pilihan raya berlangsung dan mereka yang bertugas di luar kawasan pada ketika itu termasuklah anggota polis, tentera dan sebagainya yang membuang undi secara undi pos seharusnya mengundi dengan sebebas-bebasnya tanpa dipengaruhi atau diarah oleh mana-mana pihak. Para pengundi pos ini mesti dan haruslah membuang undi untuk calon dari kediaman asal atau alamat tetapnya dan bukan di kawasan di mana pengundi itu bertugas."

(Perdana Menteri)

33. PR-000-U41490

Datuk Eric Enchin Majimbun [Sepanggar] akan mencadangkan:-

"Bahawa Dewan Yang Mulia ini membincangkan dengan seriusnya mengenai kemuliaan rakyat negara kita sebagai Rakyat Malaysia dengan suku-suku kaum masing-masing dan bukan hanya dengan sebutan suku kaum Melayu, Cina, India dan lain-lain yang jelas mengetepikan suku-suku kaum dari Sabah dan Sarawak.

Keadaan tersebut merupakan satu penghinaan bagi kaum-kaum dari Sabah dan Sarawak yang dicatat sebagai 'lain-lain' dalam borang-borang pentadbiran Kerajaan yang perlu dicatat sejelas-jelasnya mengikut suku bangsa rakyat Malaysia yang telah wujud sekian lama di negara ini."

(Menteri Dalam Negeri)

34. PR-000-U41436

Tuan Fong Kui Lun [Bukit Bintang] akan mencadangkan:-

"Bahawa Pilihanraya Kerajaan Tempatan hendaklah dipulihkan semula bagi melengkapi sistem demokrasi di Malaysia dan mengembalikan hak rakyat untuk memilih perwakilan mereka sendiri dalam Kerajaan Tempatan".

(Menteri Perumahan dan Kerajaan Tempatan)

35. PR-000-U41440

Tuan Fong Kui Lun [Bukit Bintang] akan mencadangkan:-

"Bahawa Dewan ini membuat ketetapan supaya Kerajaan menyalurkan peruntukan tahunan kepada Ahli-Ahli Parlimen Pakatan Rakyat yang mewakili kawasan-kawasan yang dimenangi sebagaimana yang diberikan kepada wakil-wakil rakyat BN, supaya peruntukan dapat disalurkan untuk manfaat pengundi dan kawasan yang diwakili, sepertimana yang diamalkan di negara Taiwan. Langkah menyekat peruntukan tahunan wakil rakyat PR sebenarnya adalah satu diskriminasi politik ke atas para pengundi dan rakyat keseluruhannya dan sekatan amalan demokrasi sendiri".

(Perdana Menteri)

36. PR-000-U41442

Tuan Fong Kui Lun [Bukit Bintang] akan mencadangkan:-

"Bahawa Dewan ini membuat ketetapan supaya Kementerian Pelajaran menyemak dan menyusun semula sukanan pelajaran subjek Sejarah Malaysia bagi memasukkan input yang tertinggal supaya ia lebih komprehensif, terbuka dan menjadi menarik untuk dipelajari".

(Menteri Pelajaran)

37. PR-000-U42596

Tuan Kulasegaran A/L Murugeson [Ipoh Barat] akan mencadangkan:-

"Bahawa Dewan ini harus meminta Kerajaan supaya menubuhkan satu badan bebas bagi menjalankan kajian terperinci untuk mengenalpasti keperluan untuk membina sekolah-sekolah Cina dan Tamil yang baru."

(Menteri Pelajaran)

38. PR-000-U42599

Tuan Kulasegaran A/L Murugeson [Ipoh Barat] akan mencadangkan:-

"Bahawa Dewan ini harus mengambil maklum bahawa Kerajaan harus menguatkuasakan undang-undang bagi mensyaratkan semua wakil rakyat mengumumkan aset milikan/kekayaan peribadi secara terbuka".

(Perdana Menteri)

39. PR-000-U42601

Tuan Kulasegaran A/L Murugeson [Ipoh Barat] akan mencadangkan:-

"Bahawa Dewan ini harus meminta Kerajaan supaya mengambil ketetapan yang rasional dalam pemilihan jumlah golongan bukan melayu secara seimbang dalam sektor perkhidmatan awam."

(Perdana Menteri)

40. PR-000-U42289

Tuan Chua Tian Chang [Batu] akan mencadangkan:-

" Bahawa Dewan ini mendesak Kerajaan Persekutuan mengembalikan hak kepada Negeri untuk melantik Pegawai Eksekutif *Ex-officio* yang memberi kuasa kepada Menteri Besar yang dipilih rakyat dan menghormati kedaulatan negeri. Jelasnya, pemindahan Perlembagaan pada Tahun 1983 terbukti adalah memusatkan kuasa kepada Perdana Menteri dan Ketua Setiausaha Negara untuk campur tangan dalam pentadbiran negeri."

(Perdana Menteri)

41. PR-000-U41589

Tuan John A/L Fernandez [Seremban] akan mencadangkan:-

"Bahawa Dewan ini dapat membincangkan agar Suruhanjaya Pilihan Raya mencadangkan kepada Kerajaan agar:-a) mengurangkan umur minimum kelayakan mengundi dari 21 tahun kepada 18 tahun;b) menjadikan pendaftaran untuk mengundi adalah satu perkara yang automatik; dan c) pengundi berdaftar adalah diwajibkan keluar mengundi."

(Perdana Menteri)

42. PR-000-U41590

Tuan John A/L Fernandez [Seremban] akan mencadangkan:-

"Bahawa Dewan ini dapat membahaskan agar satu mekanisma yang efektif dalam bentuk jangka masa pendek dalam menangani masalah banjir di negara ini."

(Menteri Sumber Asli dan Alam Sekitar)

43. PR-000-U41591

Tuan John A/L Fernandez [Seremban] akan mencadangkan:-

"Bahawa Dewan ini mendesak agar Kerajaan dapat mengawal harga barang asas seperti susu, gula dan tepung yang kerap naik harga tanpa mengambil kira kesannya terhadap rakyat yang rata-ratanya berpendapatan sederhana dan rendah."

(Menteri Perdagangan Dalam Negeri, Koperasi dan Kepenggunaan)

44. PR-000-U41592

Tuan John A/L Fernandez [Seremban] akan mencadangkan:-

"Bahawa Dewan ini dapat mengambil perhatian secara serius di mana terdapat ramai golongan muda kini telah diisyiharkan muflis akibat dari penggunaan kad kredit yang tidak terkawal."

(Menteri Kewangan)

45. PR-000-U41594

Tuan John A/L Fernandez [Seremban] akan mencadangkan:-

"Bahawa Dewan ini dapat mengarahkan Kerajaan untuk meminta semua penerima konsesi tol agar mengkaji semula kadar tol di negara ini bagi mengurangkan beban rakyat."

(Menteri Kerja Raya)

46. PR-000-U41597

Tuan John A/L Fernandez [Seremban] akan mencadangkan:-

"Bahawa Dewan ini mengambil keputusan untuk mengadakan satu mata pelajaran tambahan di sekolah yang mengajar agama, dat istiadat, budaya serta cara hidup semua kaum di negara ini yang terdiri dari pebagai kaum bagi mengelakkan perkara yang berlaku baru-baru ini di mana seorang pelatih beragama Sikh dipotong rambut panjangnya di Kem Pusat Khidmat Negara tidak berulang.

Isu ini adalah pelanggaran hak asasi manusia dan hak beragama di Malaysia. Suruhan Siasatan Diraja harus ditubuhkan untuk menyiasat pekara ini. Jikalau orang ramai mengenali agama, adat istiadat, budaya serta cara hidup kaum lain, pekara seumpama ini tidak akan berlaku dan isu perkauman juga dapat dihindari."

(Menterian Pelajaran)

47. PR-000-U41600

Tuan John A/L Fernandez [Seremban] akan mencadangkan:-

"Bahawa Dewan ini meminta Kerajaan Malaysia memberi lebih banyak peluang kepada masyarakat miskin tanpa mengira agama dan bangsa serta orang yang kurang upaya menjawat jawatan di sektor awam."

(Perdana Menteri)

48. PR-000-U41606

Tuan John A/L Fernandez [Seremban] akan mencadangkan:-

"Bahawa Dewan ini meminta Kerajaan untuk menyediakan perkhidmatan *Wifi* di seluruh negara untuk menggalakkan rakyat menggunakan internet bagi menambah pengetahuan mereka dan ini dapat menggalakkan semua lapisan masyarakat menggunakan internet."

(Menteri Penerangan, Komunikasi dan Kebudayaan)

49. PR-000-U41609

Tuan John A/L Fernandez [Seremban] akan mencadangkan:-

"Bahawa Dewan ini meminta Kerajaan mendesak pengusaha-pengusaha stesen minyak untuk menyedia lebih banyak perkhidmatan membekalkan gas bagi menggalakkan lebih ramai orang menggunakan gas bagi kenderaan mereka yang mana ini dapat mengurangkan pencemaran udara."

(Menteri Perdagangan Dalam Negeri, Koperasi dan Kepenggunaan)

50. PR-000-U41611

Tuan John A/L Fernandez [Seremban] akan mencadangkan:-

"Bahawa Dewan ini meminta Kerajaan menggubal undang-undang agar anak-anak dihadapkan ke mahkamah sekiranya mereka mengabaikan ibu bapa mereka yang sudah tua."

(Menteri Pembangunan Wanita, Keluarga dan Masyarakat)

51. PR-000-U42038

Tuan Liew Chin Tong [Bukit Bendera] akan mencadangkan:-

"Bahawa Dewan ini menyokong cadangan menetapkan sebarang pembelian aset atau sistem pertahanan yang melebihi 100 juta oleh Kementerian Pertahanan, mesti dibawa ke Parlimen dibahas dan diaudit oleh Jabatan Audit Negara sebagai syarat meneruskan pembelian ini. Ini juga bertujuan untuk mempertingkatkan integriti dan keberkesanan pembelian sistem pertahanan. Ini adalah diakibatkan oleh pembelian Jet Sukhoi dan Kapal Selam Scorpene yang telah menimbulkan banyak persepsi negatif terhadap negara".

(Menteri Pertahanan)

52. PR-000-U42040

Tuan Liew Chin Tong [Bukit Bendera] akan mencadangkan:-

"Bahawa Dewan ini menyokong bahawa Perdana Menteri untuk menjelaskan kekeliruan yang disebabkan atas jawapan beliau tentang perbelanjaan Isteri Perdana Menteri pada Dewan yang lepas iaitu pada November 2010 yang tidak dipadani dengan kewujudan "First Lady of Malaysia Division" seperti yang ditunjukkan oleh direktori laman web Jabatan Perdana Menteri."

(Perdana Menteri)

53. PR-000-U42020

Dato' Seri Zahrain Mohamed Hashim [Bayan Baru] akan mencadangkan:-

"Bahawa Dewan ini membuat ketetapan untuk merakamkan setinggi-tinggi penghargaan dan terima kasih kepada Kerajaan Malaysia, Kerajaan Arab Saudi, Majlis Keselamatan Negara, Angkatan Tentera Malaysia dan pihak lain yang terlibat secara langsung dan tidak langsung dalam menjayakan "Ops Piramid" untuk menyelamatkan rakyat Malaysia yang terperangkap dalam pergolakan berdarah di bumi Mesir".

(Menteri Luar Negeri)

54. PR-000-U42023

Dato' Seri Zahrain Mohamed Hashim [Bayan Baru] akan mencadangkan:-

"Bahawa Dewan ini membuat ketetapan mencadangkan kepada YAB Perdana Menteri supaya keanggotaan Panel Perunding dan Pencegah Rasuah Suruhanjaya Pencegah Rasuah Malaysia (SPRM) dikaji semula bagi mengelakkan sebarang tindakan anggota panel yang mencatatkan imej SPM dan Kerajaan."

(Perdana Menteri)

55. PR-000-U42025

Dato' Seri Zahrain Mohamed Hashim [Bayan Baru] akan mencadangkan:-

"Bahawa Dewan ini membuat ketetapan mendesak YAB Perdana Menteri mengkaji semula pengurusan dana dan bentuk pelaburan Lembaga Tabung Haji Malaysia. Dewan ini sedar tentang wujudnya kerisauan di kalangan umat Islam tentang penglibatan Lembaga Tabung Haji dalam pelaburan berisiko tinggi di dalam dan luar negara".

(Perdana Menteri)

56. PR-000-U42028

Dato' Seri Zahrain Mohamed Hashim [Bayan Baru] akan mencadangkan:-

"Bahawa Dewan ini membuat ketetapan mendesak YB Menteri Dalam Negeri dan YB Menteri Pembangunan Wanita, Keluarga dan Masyarakat mengambil langkah-langkah perlu untuk membersihkan bandaraya-bandaraya kita daripada sindiket "pengemis dan peminta derma" yang memperalatkan kanak-kanak, orang tua, orang kurang upaya dan pendatang asing. Dewan sedar bahawa tindakan 'pengemis dan peminta derma' ini menjelaskan imej negara dan menimbulkan persepsi negatif terhadap Kerajaan dan rakyat, selain masalah keselamatan."

(Menteri Pembangunan Wanita, Keluarga dan Masyarakat)

57. PR-000-U42030

Dato' Seri Zahrain Mohamed Hashim [Bayan Baru] akan mencadangkan:-

"Bahawa Dewan ini membuat ketetapan mendesak YB Menteri Kewangan memansuhkan pendekatan penghapusan subsidi secara total dalam kerangka Model Baru Ekonomi (NEM). Dewan mengambil iktibar bahawa tindakan drastik penghapusan subsidi akan menggugat kestabilan sosial dan mungkin mengancam keselamatan negara seperti yang pernah berlaku di beberapa negara jiran, termasuk Indonesia pada lewat tahun 90an dan situasi terkini di negara Mesir."

(Menteri Kewangan)

58. PR-000-U42273

Tuan Gwo-Burne Loh [Kelana Jaya] akan mencadangkan:-

"Bahawa Dewan ini mengambil maklum bahawa Kerajaan Malaysia sebagai anggota Majlis Hak Asasi Manusia Bangsa-bangsa Bersatu dalam menguatkuasa Resolusi 62/149 Bangsa-Bangsa Bersatu mengenai Moratorium terhadap Hukuman Mati yang telah dikuatkuasakan oleh Perhimpunan Agong Bangsa-Bangsa Bersatu pada 18 Disember 2007 di mana negara-negara yang masih mengamal hukuman mati diminta untuk menghentikan penggunaan hukuman mati dan mengurangkan jumlah hukuman-hukuman yang membawa hukuman mati secara berperingkat dan melaksanakan moratorium terhadap kesemua hukuman mati dengan hasrat untuk menghapuskan hukuman ini sama sekali. Maka dengan ini Dewan hendaklah mengambil ketetapan untuk meminta Kerajaan melalui Kementerian Luar Negeri untuk membantu mematuhi Moratorium tersebut dan meminda undang-undang yang bercanggah dengan Moratorium tersebut."

(Menteri Dalam Negeri)

59. PR-000-U42275

Tuan Gwo-Burne Loh [Kelana Jaya] akan mencadangkan:-

"Bahawa Dewan ini membuat ketatapan menubuhkan sebuah Suruhanjaya Diraja Siasatan Kes Kematian Tujuh Warga Pekerja Asing pada hujung Mei 2009 akibat kerja perobohan Jaya Supermarket, Petaling Jaya. Daripada siasatan yang dijalankan kerja perobohan tersebut tidak mendapat kelulusan Jabatan Keselamatan dan Kesihatan Pekerjaan (DOSH)."

(Menteri Sumber Manusia)

60. PR-000-U42278

Tuan Gwo-Burne Loh [Kelana Jaya] akan mencadangkan:-

"Bahawa Dewan ini mendesak Suruhanjaya Integriti Agensi Pengawalaan (SIAP) menjalankan siasatan ke atas kematian adik Aminulrasyid yang ditembak mati oleh anggota polis. Dewan juga mendesak mengenai perlantikan panel khas di dalam siasatan kes ini. Polis didakwa menyalahgunakan senjata api sehingga menyebabkan Aminulrasyid terbunuh oleh polis. Daripada siasatan dan perbicaraan yang dijalankan, banyak pihak tidak berpuas hati dengan perjalanannya dan diharap agar Suruhanjaya ini mampu untuk menjawab pelbagai spekulasi."

(Perdana Menteri)

61. PR-000-U42196

Dato' Haji Mahfuz bin Omar [Pokok Sena] akan mencadangkan:-

"Bahawa Dewan ini membuat ketetapan supaya Kerajaan mengambil langkah segera bagi meringankan beban rakyat dengan menghapus dan memansuhkan semua jenis tol di lebuh raya Malaysia."

(Perdana Menteri)

62. PR-000-U42197

Dato' Haji Mahfuz bin Omar [Pokok Sena] akan mencadangkan:-

"Bahawa Dewan ini membuat ketetapan supaya Kerajaan mengambil tindakan membatalkan semua jenis saman ekor tertunggak yang berjumlah 15 juta saman setelah pelaksanaan format dan Akta Pengangkutan Jalan pindaan 2010 dikuat kuasakan."

(Menteri Dalam Negeri

63. PR-000-U42199

Dato' Haji Mahfuz bin Omar [Pokok Sena] akan mencadangkan:-

"Bahawa Dewan ini membuat ketetapan supaya Kerajaan menutup syarikat Felda Plantation dan mengagihkan tanah milik Felda Plantation kepada generasi kedua dan ketiga peneroka Felda."

(Perdana Menteri)

64. PR-000-U42201

Dato' Haji Mahfuz bin Omar [Pokok Sena] akan mencadangkan:-

"Bahawa Dewan ini membuat ketetapan supaya Kerajaan memberikan pengiktirafan peranan dan jasa kakitangan awam dengan mengkaji semula struktur gaji bermula dengan menaikkan imbuhan perguruan sebanyak RM500 sebulan setiap seorang guru sebagai penghargaan kepada guru."

(Perdana Menteri)

65. PR-000-U42203

Dato' Haji Mahfuz bin Omar [Pokok Sena] akan mencadangkan:-

"Bahawa Dewan ini membuat ketetapan supaya Kerajaan menaikkan royalti minyak kepada negeri Sabah, Sarawak, Terengganu dan Kelantan kepada 20 peratus."

(Perdana Menteri)

RISALAT-RISALAT YANG DIBAWA KE DALAM MESYUARAT
(DEWAN RAKYAT)

| <u>TAHUN 2011</u> | <u>RISALAT/DOKUMEN</u> | <u>TARIKH DIBENTANGKAN</u> |
|------------------------------|---|---------------------------------------|
| ST.7 | Laporan Tahunan Suruhanjaya Perlantikan Kehakiman Bagi Tahun 2010 (Judicial Appointments Commission Annual Report 2010) | 16 Mac 2011 |